



(আমীরে আহলে সুন্নাত এবং ফাতেবান এর পিষিত কিতাব  
“মাদানী পাঞ্জেসুরা” থেকে নেয়া বিষয়বস্তুর অঙ্গে)

সপ্তাহিক পুর্তিকা ১৮৯  
WEEKLY BOOKLET 189

# দ্রুত শর্মাফ্রের বরকত



وَعَلَى الْمَأْكَوِبِ لَا يَرْجِعُ النَّاسُ

শায়খে তরীকত, আমীরে আহলে সুন্নাত,  
দাঁওয়াতে ইসলামীর প্রতিষ্ঠাতা হযরাত আল্লামা মাওলানা আবু বির্দাল

মুহাম্মদ ইনইয়াজ আতার কাদেরী রফীৰী

অসমীয়া  
অসমীয়া

الْحَمْدُ لِلّٰهِ رَبِّ الْعَلَمِيْنَ وَالصَّلَاةُ وَالسَّلَامُ عَلٰى سَيِّدِ الْمُرْسَلِيْنَ ط  
أَمَّا بَعْدُ فَاعُوذُ بِاللّٰهِ مِنَ الشَّيْطَنِ الرَّجِيمِ ط بِسْمِ اللّٰهِ الرَّحْمٰنِ الرَّحِيمِ ط

# দরদ শরীফের বরকত

আতারের দোয়া: হে আল্লাহ পাক! যেকেউ এই “দরদ শরীফের বরকত”  
পুস্তিকা পাঠ করে বা শুনে নিবে তার উপর স্থায়ীভাবে সন্তুষ্ট হয়ে যাও  
আর তাকে মদীনা শরীফে দরদ ও সালাম পড়া অবস্থায় প্রিয় হাবীব, ভ্যুর  
পুরনূর এর জলওয়ায় নিরাপত্তা সহকারে শাহাদাতের  
মৃত্যু দান করো।  
মোৱিন বিজাএ তানী অমীন চৰ্লি লাইবে ও আলে ও সলেম।

## অধিক পরিমাণে দরদ শরীফ পাঠকারী কন্যা

একবার হ্যরত সায়িদুনা শায়খ মুহাম্মদ বিন  
সোলায়মান জায়ুলী رَحْمَةُ اللّٰهِ عَلَيْهِ বলেন: আমি সফরে ছিলাম।  
এক স্থানে আসার পর নামায়ের সময় হয়ে গেল। সেখানে  
একটি কৃপ ছিল, কিন্তু বালতি আর রশি ছিল না। আমি  
চিন্তায় পড়ে গেলাম। তখন একটি ঘরের উপর হতে এক  
মাদানী মুন্নী (কন্যা) আমাকে আড়াল হতে দেখছিল, আর  
জিজ্ঞাসা করল: আপনি কি খুঁজছেন? আমি বললাম: কন্যা,  
রশি আর বালতি। সে জিজ্ঞাসা করল: আপনার নাম? বললাম:

মুহাম্মদ বিন সোলায়মান জাযুলী। মাদানী মুন্নীটি (কন্যাটি) অবাক হয়ে বলল: আচ্ছা! আপনিই সেই ব্যক্তি, যার প্রসিদ্ধির ডঙ্কা চারিদিকে বাজছে। অথচ আপনার অবস্থা এই যে, কৃপ থেকে পানিও নিতে পারছেন না! এ কথা বলেই সে (কন্যা) কৃপে থুথু ফেলল। মুভর্তের মধ্যে পানি উপরের দিকে উঠে গেল। তিনি *رَحْمَةُ اللَّهِ عَلَيْهِ* অযু করার পর সেই মাদানী মুন্নীকে (কন্যাকে) বললেন: কন্যা! তুমি সত্যি করে বল তো; এ অসাধারণ ক্ষমতা তুমি কিভাবে অর্জন করেছ? সে (কন্যা) বলল: আমি অধিকহারে দরদ শরীফ পাঠ করে থাকি। তার বরকতেই এই দয়া হয়েছে। তিনি *رَحْمَةُ اللَّهِ عَلَيْهِ* বলেন: এ মাদানী মুন্নীর (কন্যার) কথায় প্রভাবিত হয়ে আমি সেখানেই সংকল্প করলাম: প্রিয় নবী *صَلَّى اللَّهُ عَلَيْهِ وَآلِهِ وَسَلَّمَ* এর মহান দরবারে উপস্থাপন করার জন্য দরদ শরীফের উপর কিতাব লিখব। (অতঃপর তিনি *رَحْمَةُ اللَّهِ عَلَيْهِ* দরদ শরীফের কিতাব “দালায়িলুল খায়রাত” লিখেন যেটি খুবই প্রসিদ্ধ হয়।) (সাঁআদাতুদ দারাইন, ১৫৯ পৃষ্ঠা)

## দরদ শরীফের দটি ফর্যালত

(১) হ্যরত সায়্যদুনা আবু হুরাইরা *رَضِيَ اللَّهُ عَنْهُ* থেকে বর্ণিত; নবী করীম, রউফুর রহীম, ভয়ুর পুরনূর *صَلَّى اللَّهُ عَلَيْهِ وَآلِهِ وَسَلَّمَ* ইরশাদ করেছেন: “যে (ব্যক্তি) আমার উপর একবার দরদে

পাক পাঠ করলো, আল্লাহ পাক তার উপর ১০টি রহমত  
নাফিল করবেন।” (সহীহ মুসলিম, ১৭৬ পৃষ্ঠা, হাদীস নং- ৯১২)

صَلُّوا عَلَى الْحَبِيبِ! صَلُّوا عَلَى مُحَمَّدٍ!

(২) হযরত সায়িয়দুনা আনাস বিন মালিক  
থেকে বর্ণিত; নবী করীম, রউফুর রহীম  
ইরশাদ করেন: “যে ব্যক্তি আমার উপর একবার দরুদে পাক  
পড়লো, আল্লাহ পাক তার উপর দশটি রহমত নাফিল করবেন  
ও তার ১০টি গুনাহ ক্ষমা করে দিবেন।”

(আল ইহসান বি-তারতীবে সহীহ ইবনে হাব্বান, ২য় খন্ড, ১৩০ পৃষ্ঠা, হাদীস নং- ৯০১)

صَلُّوا عَلَى الْحَبِيبِ! صَلُّوا عَلَى مُحَمَّدٍ!

(৩) হযরত সায়িয়দুনা আবু বারদা বিন নিয়ার  
থেকে বর্ণিত; প্রিয় নবী চালীল ইরশাদ করেছেন:  
“আমার উম্মতের মধ্যে যে ব্যক্তি সত্য অন্তরে একবার দরুদ  
শরীফ পাঠ করলো, আল্লাহ পাক তার উপর ১০টি রহমত  
নাফিল করবেন, তার জন্য ১০টি নেকী লিপিবদ্ধ করবেন ও  
তার ১০টি মর্যাদা বৃদ্ধি করবেন আর তার ১০টি গুনাহ ক্ষমা  
করে দিবেন।” (মুজাম কবীর, ২২তম খন্ড, ১৯৫ পৃষ্ঠা, হাদীস নং- ৫১৩)

صَلُّوا عَلَى الْحَبِيبِ! صَلُّوا عَلَى مُحَمَّدٍ!

(৪) হ্যরত সায়িয়দুনা আবু উমামা رضي الله عنه থেকে বর্ণিত; নবী করীম, রাউফুর রহীম, صَلَّى اللهُ عَلَيْهِ وَآلِهِ وَسَلَّمَ ইরশাদ করেছেন: “প্রত্যেক জুমার দিন আমার উপর বেশী পরিমাণে দরুদ শরীফ পড়ো। নিঃসন্দেহে প্রতি জুমার দিন আমার উম্মতের দরুদ আমার নিকট পেশ করা হয়। (কিয়ামতের দিন) মানুষের মধ্যে আমার নিকটবর্তী ঐ ব্যক্তিই হবে, যে (দুনিয়ায়) আমার উপর বেশী পরিমাণে দরুদ শরীফ পাঠ করে থাকবে।” (সুনানুল কোবরা, ৩য় খন্ড, ৩৫৩ পৃষ্ঠা, হাদীস নং- ৫৯৯৫)

**صَلُّوا عَلَى الْحَبِيبِ!**

(৫) হ্যরত সায়িয়দুনা ইবনে মাসউদ رضي الله عنه থেকে বর্ণিত; নবী করীম, রাউফুর রহীম, صَلَّى اللهُ عَلَيْهِ وَآلِهِ وَسَلَّمَ ইরশাদ করেছেন: “নিঃসন্দেহে কিয়ামতের দিন আমার সবচেয়ে নিকটবর্তী ব্যক্তি সেই হবে, যে দুনিয়াতে আমার উপর বেশি পরিমাণে দরুদ শরীফ পাঠ করে থাকবে।”

(আল ইহসান বিতারতীবে সহীহ ইবনে হাবৰান, ২য় খন্ড, ১৩৩ পৃষ্ঠা, হাদীস নং- ৯০৮)

**صَلُّوا عَلَى الْحَبِيبِ!**

(৬) প্রিয় রাসূল, রাসূলে মাকবুল صَلَّى اللهُ عَلَيْهِ وَآلِهِ وَسَلَّمَ ইরশাদ করেছেন: “হে লোকরা! নিশ্চয়ই কিয়মাতের দিনের ভয়াবহতা

ও হিসাব-নিকাশ থেকে তাড়াতাড়ি মুক্তি পাবে সেই ব্যক্তি, যে  
দুনিয়াতে আমার উপর বেশি পরিমাণে দরুদ শরীফ পাঠ করে  
থাকবে।” (ফিরদাউসুল আখবার, ২য় খন্দ, ৪৭১ পৃষ্ঠা, হাদীস নং- ৮২১০)

صَلُّوا عَلَى الْحَبِيبِ!

(৭) প্রিয় নবী, রাসূলে আরবী ইরশাদ  
করেন: “আমার উপর বেশি পরিমাণে দরুদ শরীফ পাঠ করো,  
নিঃসন্দেহে আমার উপর তোমাদের দরুদে পাক পাঠ করা,  
তোমাদের গুনাহের জন্য মাগফিরাত স্বরূপ (তথা- ক্ষমা  
স্বরূপ)। (জামেউস্ সগীর, ৮৭ পৃষ্ঠা, হাদীস নং- ১৪০৬)

صَلُّوا عَلَى الْحَبِيبِ!

## সাহাবায়ে কেরামগণের ৫টি ঘাণী

(১) হ্যরত সায়িদুনা আবু বকর সিদ্দিক বলেন: رَضِيَ اللَّهُ عَنْهُ  
“নবী করীম, রাউফুর রহীম এর উপর দরুদ শরীফ পাঠ করা গুনাহ সমূহকে এত দ্রুত মিটিয়ে  
দেয় যে, পানিও আগুণকে তত দ্রুত নিভাতে পারে না,  
আর রাসুলুল্লাহ এর উপর সালাম প্রেরণ  
করা গর্দান সমূহ (অর্থাৎ- গোলামদেরকে) আযাদ করার  
চেয়েও উত্তম।” (তারিখে বাগদাদ, ৭ম খন্দ, ১৭২ পৃষ্ঠা)

(২) হ্যরত সায়িদুনা আয়েশা সিদ্বিকা رَضِيَ اللَّهُ عَنْهَا বলেন:

“তোমরা তোমাদের মজলিশ সমূকে আল্লাহর নবী,  
রাসুলে আরবী صَلَّى اللَّهُ عَلَيْهِ وَآلِهِ وَسَلَّمَ এর উপর দরন্দ শরীফ  
পাঠ করে সজ্জিত করো।” (তারিখে বাগদাদ, ৭ম খন্ড, ২১৬ পৃষ্ঠা)

(৩) হ্যরত সায়িদুনা ফারঞ্জকে আজম رَضِيَ اللَّهُ عَنْهُ বলেন:

“নিশ্চয় দোয়া জমীন ও আসমানের মধ্যখানে ঝুলন্ত  
থাকে এবং তা থেকে কোন বস্তু উপরের দিকে যায় না,  
যতক্ষণ তোমরা আপন প্রিয় নবী صَلَّى اللَّهُ عَلَيْهِ وَآلِهِ وَسَلَّمَ এর  
উপর দরন্দ পাক পড়ে না নাও।”

(তিরমিয়ী, ২য় খন্ড, ২৮ পৃষ্ঠা, হাদীস- ৪৮৬)

(৪) হ্যরত সায়িদুনা মাওলা আলী মুশকিল কোশা

صَلَّى اللَّهُ عَلَيْهِ وَآلِهِ وَسَلَّمَ বলেন: “হ্যরত মুহাম্মদ صَلَّى اللَّهُ عَلَيْهِ وَآلِهِ وَسَلَّمَ ও হ্যরত মুহাম্মদ صَلَّى اللَّهُ عَلَيْهِ وَآلِهِ وَسَلَّمَ এর পরিবার  
পরিজনের উপর দরন্দ পাক পাঠ করার আগ পর্যন্ত  
প্রত্যেক ব্যক্তির দোয়া পর্দার (অন্তরালে) থাকে।”

(মুজাম আওসাত, ১ম খন্ড, ২১১ পৃষ্ঠা, হাদীস- ৭২১)

(৫) হ্যরত সায়িদুনা আবদুল্লাহ বিন আমর বিন আ'স

رَضِيَ اللَّهُ عَنْهُ বলেন: “যে (ব্যক্তি) নবী পাক, সাহিবে  
লাওলাক, হ্যুর পুরনূর صَلَّى اللَّهُ عَلَيْهِ وَآلِهِ وَسَلَّمَ এর উপর এক  
বার দরন্দে পাক পাঠ করবে, তার উপর আল্লাহ পাক ও

তার ফিরিশতারা ৭০ বার রহমত প্রেরণ করবেন।”

(যুসনাদে ইমাম আহমদ, ২য় খন্ড, ৬১৪ পৃষ্ঠা, হাদীস- ৬৭৬৬)

صَلُّوا عَلَى الْحَبِيبِ!

## দরুদ শরীফের ৩০টি মাদানী ফুল

- (১) আল্লাহ পাকের নির্দেশ পালিত হয়। (২) একবার  
দরুদ শরীফ পাঠকারীর উপর দশটি রহমত বর্ষিত হয়।
- (৩) তার দশটি মর্যাদা বৃদ্ধি পায়। (৪) তার জন্য দশটি  
নেকী লিপিবদ্ধ করা হয়। (৫) তার দশটি গুনাহ ক্ষমা করা  
হয়। (৬) দোয়ার পূর্বে দরুদ শরীফ পাঠ করে নেওয়া, দোয়া  
করুল হওয়ার মাধ্যম। (৭) দরুদ পড়া হ্যুর صَلَّى اللَّهُ عَلَيْهِ وَآلِهِ وَسَلَّمَ  
এর শাফায়াত লাভের মাধ্যম। (৮) দরুদ শরীফ পড়া গুনাহ  
ক্ষমা হওয়ার মাধ্যম। (৯) দরুদ শরীফের কারণে আল্লাহ  
পাক বান্দাদের দুশ্চিন্তাগুলোকে দূর করে দেন। (১০) দরুদ  
শরীফ পড়ার কারণে বান্দা কিয়ামতের দিন নবী করীম,  
রউফুর রহীম صَلَّى اللَّهُ عَلَيْهِ وَآلِهِ وَسَلَّمَ এর নেকট্য লাভ করবে।
- (১১) দরুদ শরীফ অভাবীদের জন্য দান সদকার  
স্থলাভিষিক্ত। (১২) দরুদ শরীফ উদ্দেশ্য পূরণের মাধ্যম।
- (১৩) দরুদ শরীফ আল্লাহ পাকের রহমত ও ফিরিশতাদের  
দোয়া লাভের মাধ্যম। (১৪) দরুদ শরীফ তার পাঠকারীর

জন্য পরিচ্ছন্নতা ও পবিত্রতার মাধ্যম। (১৫) দরুদ শরীফের মাধ্যমে বান্দার নিকট মৃত্যুর পূর্বে জান্নাতের সুসংবাদ লাভ হয়। (১৬) দরুদ শরীফ পাঠ করার কিয়ামতের ভয়াবহতা থেকে মুক্তির কারণ। (১৭) দরুদ শরীফ পাঠ করার বরকতে মানুষের ভুলে যাওয়া কথা স্মরণে এসে যায়। (১৮) দরুদ শরীফ মজলিশের (বৈঠকের) পবিত্রতার কারণ ও কিয়ামতের দিন এই মজলিশ আফসোসের কারণ হবে না। (১৯) দরুদ শরীফ পাঠের কারণে দারিদ্র্যা দূর হয়ে যায়। (২০) এই আমল বান্দাকে জান্নাতের পথে নিয়ে যায়। (২১) দরুদ শরীফ পুলসিরাতের উপর বান্দার আলো বৃদ্ধির কারণ। (২২) দরুদ শরীফের মাধ্যমে বান্দা জুলুম ও অত্যাচার থেকে বেরিয়ে আসে। (২৩) দরুদ শরীফ পড়ার কারণে বান্দা আসমান ও জরিনে প্রশংসার যোগ্য (পাত্র) হয়ে যায়। (২৪) দরুদ শরীফ পাঠকারীর এই আমলের কারণে তার নিজের, আমলের, হায়াতের এবং কল্যানের বিষয়ে বরকত অর্জিত হয়। (২৫) দরুদ শরীফ আল্লাহ পাকের রহমত অর্জনের মাধ্যম। (২৬) দরুদ শরীফ হ্যুর নবী করীম صَلَّى اللّٰهُ عَلٰيْهِ وَآلِهِ وَسَلَّمَ এর সাথে স্থায়ী ভালবাসা এবং এতে সমৃদ্ধির কারণ এবং এই ভালবাসা ইমানী শর্তের মধ্যে অন্যতম, যা

ছাড়া স্ট্রান্স পরিপূর্ণ হয় না। (২৭) দরুদ শরীফ পাঠকারীকে নবী করীম صَلَّى اللّٰهُ عَلَيْهِ وَآلِهِ وَسَلَّمَ ভালবাসেন। (২৮) দরুদ শরীফ পাঠ করা বান্দার হিদায়াত ও তার জীবিত অন্তরের মাধ্যম। কেননা সে যখন নবী করীম صَلَّى اللّٰهُ عَلَيْهِ وَآلِهِ وَسَلَّمَ এর উপর বেশি পরিমাণে দরুদ শরীফ পাঠ করে এবং প্রিয় নবী صَلَّى اللّٰهُ عَلَيْهِ وَآلِهِ وَسَلَّمَ এর ফিকির (তথা আলোচনা) করেন, তখন ত্যুর নবী করীম صَلَّى اللّٰهُ عَلَيْهِ وَآلِهِ وَسَلَّمَ এর মুহারিত তার অন্তরের উপর প্রাধান্য বিস্তার করে। (২৯) দরুদ শরীফ পাঠ কারীর এই বিশেষত্বও রয়েছে যে, নবী করীম, রউফুর রহীম صَلَّى اللّٰهُ عَلَيْهِ وَآلِهِ وَسَلَّمَ এর দরবারে তার নাম পেশ করা হয় ও তার আলোচনা করা হয়। (৩০) দরুদ শরীফ পুলসিরাতের উপর অটলতা ও নিরাপত্তার সাথে পথ অতিক্রম করার মাধ্যম। (জিলাউল ইফহাম, ২৪৬-২৫০ পৃষ্ঠা)

صَلُّوا عَلَى الْحَبِيبِ! صَلَّى اللّٰهُ عَلَيْهِ وَآلِهِ وَسَلَّمَ

ত্যুর পুরনূর صَلَّى اللّٰهُ عَلَيْهِ وَآلِهِ وَسَلَّمَ এর দিদারের  
আকাঙ্ক্ষীদের জন্য উপহার

اللَّٰهُمَّ صَلِّ عَلٰى رُوحِ مُحَمَّدٍ فِي الْأَرْوَاحِ  
وَعَلٰى جَسَدِهِ فِي الْأَجْسَادِ وَعَلٰى قَبْرِهِ فِي الْقُبُورِ

صَلَّى اللَّهُ عَلَيْهِ وَآلِهِ وَسَلَّمَ  
নবীয়ে আকরাম, নূরে মুজাস্সাম ইরশাদ করেন: “যে ব্যক্তি এই দরুদে পাক পাঠ করবে স্বপ্নে সে আমার যিয়ারত লাভ করবে এবং যে ব্যক্তি স্বপ্নযোগে আমাকে দেখেছে সে আমাকে কিয়ামতের দিনও দেখবে। আর যে ব্যক্তি আমাকে কিয়ামাতের দিন দেখে নিবে, আমি তার জন্য সুপারিশ করব। আর যাকে আমি সুপারিশ করবো সে হাউজে কাউচারের পানি পান করবে। আর তার শরীরকে আল্লাহ পাক দোয়খের উপর হারাম করে দিবেন।

(কাশফুল গুম্মা আন জামিজুল উম্মাহ, ১ম খন্ড, ৩২৫ পৃষ্ঠা)

صَلَّوَا عَلَى الْحَبِيبِ!  
صَلَّى اللَّهُ عَلَى مُحَمَّدٍ

### ক্ষমা ও মাগফিরাত

أَللَّهُمَّ صَلِّ عَلَى مُحَمَّدٍ كُلَّمَا ذَكَرْتَهُ اكْرُونَ  
وَصَلِّ عَلَى مُحَمَّدٍ كُلَّمَا غَفَلَ عَنْ ذِكْرِهِ الْغَافِلُونَ

রহমةُ اللَّهِ عَلَيْهِ  
কোন ব্যক্তি হ্যরত সায়িদুনা ইমাম শাফেয়ী কে ইন্তিকালের পর স্বপ্নে দেখলেন এবং অবস্থা সম্পর্কে জানতে চাইলেন তখন তিনি বললেন: আল্লাহ পাক এই দরুদ শরীফের বরকতে আমাকে ক্ষমা করে দিয়েছেন।

(আফদালুস সালাওয়াত আলা সায়িদিস সাদাত, ৮১ পৃষ্ঠা)

## সম্পদের মধ্যে কল্যাণ ও বরকত

أَللّٰهُمَّ صَلِّ عَلٰى مُحَمَّدٍ عَبْدِكَ وَرَسُولِكَ  
 وَعَلٰى الْمُؤْمِنِينَ وَالْمُسْلِمِينَ وَالْمُسْلِمَاتِ

রঞ্জল বয়ানের প্রণেতা বলেন: যে ব্যক্তি এই দরুদ পাক পাঠ করবে তার ধন-সম্পদ বাড়তে থাকবে।

(তাফসীরে রঞ্জল বয়ান, সুরা- আহযাব, আয়াত- ৫৬, ৭ম খন্ড, ২৩৩ পৃষ্ঠা)

## স্মরণশক্তি মজবুত হয়ে

أَللّٰهُمَّ صَلِّ وَسِلِّمْ وَبَارِكْ عَلٰى سَيِّدِنَا مُحَمَّدِ النَّبِيِّ  
 الْكَامِلِ وَعَلٰى أَلِهٖ كَمَا لَا نِهَايَةٌ لِكَمَالِكَ وَعَدَدٌ كَمَالِه

যদি কোন ব্যক্তির ভুলে যাওয়ার রোগ হয়, তবে সে মাগরীব ও ইশার নামায়ের মধ্যবর্তী সময়ে এই দরুদ শরীফটি বেশি বেশি করে পাঠ করবে **إِنْ شَاءَ اللّٰهُ** স্মরণশক্তি মজবুত হয়ে যাবে।

(আফদালুস্স সালাওয়াত আলা সায়িদিত সাদাত, ১৯১ ও ১৯২ পৃষ্ঠা)

**صَلُّوا عَلٰى الْحَبِيبِ!**      **صَلِّ اللّٰهُ عَلٰى مُحَمَّدٍ**

## দ্বীন ও দুনিয়ার নেয়ামত অর্জন করন্ত

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى أَهْلِهِ وَعَلَى عَنْقَامِ اللَّهِ وَإِفْضَالِهِ

এই দরুদ শরীফ পড়ার দ্বারা দ্বীন ও দুনিয়ার অসংখ্য  
নেয়ামত অর্জিত হবে। (আফদালুস সালাওয়াত আলা সায়িদিস সাদাত, ১৫১ পৃষ্ঠা)

## দুনিয়া ও আখিরাতের সম্মান

اللَّهُمَّ صَلِّ عَلَى سَيِّدِنَا مُحَمَّدٍ وَأَهْلِهِ وَصَحْبِهِ وَسَلِّمْ بَعْدَ  
مَا فِي جِمِيعِ الْقُرْآنِ حَرْفًا حَرْفًا وَبَعْدِ كُلِّ حَرْفٍ أَلْفًا أَلْفًا  
কুরআনুল করীম তিলাওয়াত করার পর যে ব্যক্তি এই  
দরুদ শরীফটি পাঠ করবে, সে দুনিয়া ও আখিরাতে সম্মানি  
হবে। (তাফসীরে রহ্মান বয়ান, সূরা আহযাব- ৫৬, ৭ম খন্ড, ২৩৪ পৃষ্ঠা)

## ১১ হাজার দরুদ শরীফের সাওয়াব

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى أَهْلِهِ  
صَلُوةً أَنْتَ لَهَا أَهْلٌ وَهُوَ لَهَا أَهْلٌ

হ্যবরত সায়িদুনা হাফেজ জালাল উদ্দীন সুযুতী  
শাফেয়ী رَحْمَةُ اللَّهِ عَلَيْهِ বলেন: এই দরুদ শরীফটি একবার পাঠ  
করা ১১ হাজারবার দরুদ শরীফ পড়ার সমান।

(আফদালুস্ সালাওয়াত আলা সায়িদিস সাদাত, ১৫৩ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

### ১৪ হাজার দরুদ শরীফ পড়ার সাওয়াব

اللَّهُمَّ صَلِّ وَسِلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى أَلِهِ عَدَدَ كَيَالِ اللَّهِ وَكَيَالِ يَلِيقْ بِكَيَالِهِ

এই দরুদ শরীফটি শুধুমাত্র একবার পড়ার দ্বারা চৌদ্দ  
হাজারবার দরুদ শরীফ পড়ার সাওয়াব অর্জিত হয়।

(আফদালুস্ সালাওয়াত আলা সায়িদিস সাদাত, ১৫০ পৃষ্ঠা)

### ১লক্ষ দরুদ শরীফের সাওয়াব

اللَّهُمَّ صَلِّ وَسِلِّمْ وَبَارِكْ عَلَى سَيِّدِنَا مُحَمَّدٍ ۝ النُّورِ  
الذَّاتِي ۝ وَالسِّرِّ السَّارِي ۝ فِي سَائِرِ الْأُسْمَاءِ وَالصِّفَاتِ

এই দরুদ শরীফটি যদি একবার পড়া হয়, তাহলে এক  
লাখ বার দরুদ শরীফ পড়ার সাওয়াব পাওয়া যায়। এছাড়া  
কারো কোন প্রয়োজন দেখা দিলে এই দরুদ শরীফটি ৫০০

বার পাঠ করবে, إِنْ شَاءَ اللَّهُ উদ্দেশ্য পূর্ণ হবে।

(আফদালুস সালাওয়াত আলা সায়িদিস সাদাত, ১১৩ পৃষ্ঠা)

## প্রত্যেক প্রকারের দুশ্চিন্তা থেকে মুক্তির জন্য

اللَّهُمَّ صَلِّ وَسِّلِّمْ عَلَى سَيِّدِنَا مُحَمَّدٍ

قَدْ ضَاقَتْ حِيلَقِي أَدْرِكْنِي يَا رَسُولَ اللَّهِ

সায়িদ ইবনে আবেদীন رَحْمَةُ اللَّهِ عَلَيْهِ বলেন: আমি এটাকে মহা ফিতনার সময় পড়লাম, যা দামেশকে সংঘটিত হয়। এটি আমি এখনো দুইশতবারও পড়িনি যে এমতাবস্থায় আমাকে এক ব্যক্তি এসে সংবাদ দিলো যে, ফিতনার পরিসমাপ্তি ঘটেছে। (আফদালুস সালাওয়াত আলা সায়িদিস সাদাত, ১৫৪ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

‘আবে কাওমার’ পূর্ণ সেয়ালা

اللَّهُمَّ صَلِّ عَلَى مُحَمَّدٍ وَعَلَى أَلِيهِ وَأَصْحَابِهِ وَأَوْلَادِهِ

وَأَزْوَاجِهِ وَذُرِّيَّتِهِ وَأَهْلِ بَيْتِهِ وَأَصْهَارِهِ وَأَنْصَارِهِ

وَأَشْيَاعِهِ وَمُحِبِّيْهِ وَأَمْتِهِ وَعَلَيْنَا مَعْهُمْ أَجْمَعِينَ

يَا أَرْحَمَ الرَّاحِمِينَ

হ্যরত সায়িদুনা হাসান বসরী رَحْمَةُ اللَّهِ عَلَيْهِ বলেন: যে ব্যক্তি হাউজে কাউসার থেকে পূর্ণ পেয়ালা পান করতে চায়, সে যেন এই দরন্দ শরীফটি পাঠ করে। (আল কওলুল বদী, ১২২ পৃষ্ঠা)

## দরন্দে তাজের চটি মাদানী ফুল

- (১) যে ব্যক্তি চন্দ্র মাসের ১ম তারিখ থেকে চৌদ্দ তারিখ এর মধ্যবর্তী জুমার রাতে ইশার নামাযের পর ওয় সহকারে পবিত্র কাপড় পরিধান করে সুগন্ধি লাগিয়ে ১৭০বার এই দরন্দ শরীফ পাঠ করে শয়ন করবে, আর এভাবে ১১টি রাত ধারাবাহিকতার সাথে (এভাবে) আমল করলে ﷺ নবী করীম, রউফুর রহীম, হৃষুর ﷺ এর যিয়ারত লাভে ধন্য হবে।
- (২) যাদুর প্রভাব, দুষ্ট জিন ও শয়তান দূর করার জন্য এবং বসন্তরোগে ১১বার পাঠ করে ফুঁক দিলে ﷺ উপকার পাওয়া যাবে।
- (৩) অন্তরের পবিত্রতার জন্য প্রতিদিন ফজরের নামাযের পর ৬০বার, আসরের নামাযের পর ৩বার ও ইশার নামাযের পর ৩বার করে পাঠ করুন।

- (৪) শক্র, অত্যচারী, হিংসুক ও বাদশাহর অত্যাচার থেকে  
রক্ষা পাওয়ার জন্য এবং দুঃখ, দুর্শিতা ও অভাব অন্টন  
দূর হওয়ার জন্য ৪০ রাত ধারাবাহিক ভাবে ইশার  
নামাযের পর ৪১বার পাঠ করুন।
- (৫) রঞ্জি রোজগারে বরকতের জন্য ফয়রের নামাযের পর  
৭বার করে নিয়মিত পাঠ করুন।
- (৬) বন্ধ্যা স্ত্রীলোকদের জন্য ২১টি শুকনো খেজুরে ৭বার  
করে পাঠ করে ফুঁক দিয়ে একটি করে খেজুর দৈনিক  
খাইয়ে দিন এবং মাসিকের পর পরিত্রার দিন গুলোতে  
সহবাস করলে আল্লাহ পাকের দয়ায় নেক্কার সন্তান  
জন্ম নিবে।
- (৭) যদি গর্ভবতী মহিলার কষ্ট হয় (বেদনা হয়) তাহলে  
সাত দিন পর্যন্ত ৭বার করে পাঠ করে পানিতে ফুঁক  
দিয়ে পান করান।
- (৮) ‘বৈধ প্রেম’ যেমন- স্বামী ও স্ত্রীর মুহাব্বত বৃদ্ধির জন্য  
এবং যে কোন বৈধ আশা পূরণের জন্য অর্ধ রাতের পর  
ওয়ু সহকারে ৪০ বার সত্য অন্তরে দৃঢ়তার সাথে পড়ুন  
**مَلَّا** মনের আকাঙ্ক্ষা পূরণ হবে। (আমালে রয়া, ২২ পৃষ্ঠা)

## দর্শন তাজ

اللَّهُمَّ صَلِّ عَلَى سَيِّدِنَا وَمَوْلَانَا مُحَمَّدٍ صَاحِبِ التَّاجِ  
 وَالْمِعْرَاجِ وَالْبُرَاقِ وَالْعَلَمِ طَدَافِعِ الْبَلَاءِ وَالْوَبَاءِ  
 وَالْقَحْطِ وَالْمَرِضِ وَالْأَلَمِ طَإِسْمِهِ مَكْتُوبٌ مَرْفُوعٌ  
 مَّشْفُعٌ مَنْقُوشٌ فِي الْلَّوْحِ وَالْقَلْمَنِ طَسَيِّدِ الْعَرَبِ  
 وَالْعَجَمِ طَجَسْمِهِ مُقَدَّسٌ مُعَطَّرٌ مُظَهَّرٌ مُنَورٌ فِي الْبَيْتِ  
 وَالْحَرَمِ طَشَمِسِ الصُّحْنِ بَدْرِ الدُّجْنِ صَدْرِ الْعُلَى نُورِ  
 الْهُدَى كَهْفِ الْوَرَى مِصْبَاحِ الظُّلَمِ طَجَيْلِ الشَّيْمِ  
 شَفِيعِ الْأُمَمِ طَصَاحِبِ الْجُودِ وَالْكَرَمِ طَوَالِلَهُ عَاصِمِهِ  
 وَجِبْرِيلُ خَادِمَهُ وَالْبُرَاقُ مَرْكَبَهُ وَالْمِعْرَاجُ سَفْرَهُ  
 وَسِدْرَةُ الْمُنْتَهَى مَقَامَهُ وَقَابَ قَوْسَيْنِ مَطْلُوبَهُ  
 وَالْمَطْلُوبُ مَقْصُودُهُ وَالْمَقْصُودُ مَوْجُودُهُ سَيِّدِ  
 الْمُرْسَلِينَ خَاتَمِ النَّبِيِّينَ شَفِيعِ الْمُذْنِبِينَ أَنِيْسِ

الْغَرِيبُّينَ رَحْمَةً لِلْعَالَمِينَ رَاحَةً الْعَاشِقِينَ مُرَادٍ  
 الْمُشْتَاقِينَ شَمْسِ الْعَارِفِينَ سَرَاجِ السَّالِكِينَ مِصْبَاحٍ  
 الْمُقَرَّبِينَ مُحِبِّ الْفُقَرَاءِ وَالْغُرَبَاءِ وَالْمَسَاكِينَ  
 سَيِّدِ الْثَّقَلَيْنِ نَبِيِّ الْحَرَمَيْنِ إِمَامِ الْقِبْلَتَيْنِ وَسَيِّدِتِنَا  
 فِي الدَّارَيْنِ صَاحِبِ قَابَ قَوْسَيْنِ مَحْبُوبِ رَبِّ  
 الْمُشْرِقَيْنَ وَالْمُغْرِبَيْنَ جَدِ الْحَسَنِ وَالْحُسَيْنِ مَوْلَانَا  
 وَمَوْلَى الْثَّقَلَيْنِ أَبِي الْقَاسِمِ مُحَمَّدِ ابْنِ عَبْدِ اللَّهِ نُورٍ  
 مِنْ نُورِ اللَّهِ طَيَّاً يَهَا الْمُشْتَاقُونَ بِنُورِ جَمَالِهِ صَلُّوا عَلَيْهِ  
 وَإِلَهُ وَأَصْحَابِهِ وَسَلِّمُوا تَسْلِيمًا

অনুবাদ: হে আল্লাহ! তুমি আমাদের সরদার ও মাওলা  
 হ্যরত মুহাম্মদ এর উপর রহমত বর্ণ করো,  
 যিনি মুরুট, মিরাজ বোরাক ও ঝাড়ার অধিকারী। যিনি  
 বিপদাপদ, মহামারী, দুর্ভিক্ষ ও রোগশোক-কে দূরীভূতকারী।  
 তাঁরই পরিত্র নাম উঁচু এবং আল্লাহর নামের সাথে লিখা

রয়েছে লৌহ-মাহফুজ ও কলমে, চমৎকার ভাবে সমুন্নত, সংযোজিত ও অক্ষিত রূপে। যিনি আরব ও অনারবের সর্দার। যাঁর শরীর পবিত্র, সকল ধরণের ত্রুটি থেকে মুক্ত, সুগন্ধ বের হবার উৎস, অতি পবিত্র নূরুন আ'লা নূর, নিজের ঘর এবং বায়তুল্লাহ হেরম শরীফে এখনো এই সমস্ত অবস্থাই দীপ্তিমান। যিনি সকালের সূর্য, অন্ধকারে পূর্ণিমার চাঁদ সর্বোচ্চ সম্মানের উৎসস্থল। হেদায়তের আলো, সৃষ্টি জগতের আশ্রয়স্থল ও আঁধারের চেরাগ। যিনি নিখুঁত চরিত্রের অধিকারী। সকল উম্মতের সুপারিশকারী দানবীর ও দানশীল এর উপর দরুদ ও সালাম। যাঁর রক্ষণাবেক্ষণকারী আল্লাহ পাক ও খাদেম হলো জিব্রাইল عَلَيْهِ السَّلَام। যাঁর বাহন বোরাক ও সফর মিরাজ। যাঁর অবস্থান সিদরাতুল মুনতাহা ও আকাঞ্চ্ছা হলো কাঁবা কাওসাইন (মাওলার পরিপূর্ণ নৈকট্যলাভ) আর মাওলার পরিপূর্ণ নৈকট্যলাভই হলো তাঁর উদ্দেশ্য, আর উদ্দেশ্য হাসিল হয়েছে, যিনি রাসূলগণের সর্দার। নবীগণের মধ্যে আগত সর্বশেষ নবী। পাপীদের সুপারিশকারী, সফরকারীদের এবং অপরিচিতদের দরদী, সকল জাহানের উপর দয়াকারী, প্রেমিকগণের শান্তি ও আশিকদের উদ্দেশ্য। যিনি আরিফদের সূর্য, সালেকদের

আলো, নেকট্য লাভকারীদের আলোকবর্তিকা। ফকির মিসকিনদের ভালবাসা পোষণকারী। জিন ও মানুষের সর্দার। মুক্তা মদীনা দুই হেরমের নবী, দুই কিবলার ইমাম। উভয় জগতে আশিকদের উসিলা। যিনি কা'বা কাউসাইনের অধিকারী। পূর্ব ও পশ্চিমের প্রতিপালকের বন্ধু, হাসান ও হোসাইনের নানাজান, আমাদের আকৃতা, সকল মানুষ ও জিনের সাহায্যকারী, সুসংবাদ দানকারী। যাঁর উপনাম আবুল কাসিম, যাঁর নাম মুহাম্মদ বিন আব্দুল্লাহ। যিনি আল্লাহর পাকের আলোর মধ্য থেকে এক উজ্জল আলোর উপর দরন্দ ও সালাম। হে নবী ﷺ এর নুরানী সৌন্দর্যের আশিকগণ! আপনারা তাঁর ও তাঁর পরিবার পরিজনের উপর দরন্দ ও সালাম পেশ করুন।

### দরন্দে তুনাজ্জিনার ব্যাপারে স্মান তাজাকারী ঘটনা

আল্লামা ইবনে ফাকেহানী رحمهُ اللہ علیہ “আল ফাযর্ম মুনীর” নামক কিতাবের মধ্যে এই দরন্দ শরীফের ব্যাপারে একটি ঘটনা বর্ণনা করতে গিয়ে বলেন: পারস্যের শায়খ মুসা জরীর آمَاكَ بِرَحْمَةِ اللَّهِ عَلَيْهِ আমাকে বর্ণনা করেছেন: তিনি নৌকা যোগে সমুদ্র সফরে বের হলেন। প্রতিমধ্যে প্রচন্ড ঝড়-তুফান আক্রমণ করল, যাকে ইকলাবিয়া (লন্ড ভন্ড কারী ঝড়) বলা

হয়। খুব কম লোক আছে যাদের এই তুফান আক্রমণ করার  
পর না ডুবে বাঁচতে পারে। লোকেরা ডুবে যাওয়ার ভয়ে  
চিংকার শুরু করে দিল। আমার ঘুম চলে আসল। স্বপ্নে হ্যুর  
পুরনূর صَلَّى اللّٰهُ عَلٰيْهِ وَآلِهِ وَسَلَّمَ এর যিয়ারতের সৌভাগ্য অর্জন হলো।  
হ্যুর নবী করীম صَلَّى اللّٰهُ عَلٰيْهِ وَآلِهِ وَسَلَّمَ ইরশাদ করলেন: “নৌকার  
আরোহীদের বলো; তারা যেন এক হাজার বার এই দরন্দ  
اللّٰهُمَّ صَلِّ عَلٰى سَيِّدِنَا مُحَمَّدٍ وَّعَلٰى أٰلِ سَيِّدِنَا مُحَمَّدٍ صَلَّاةً تَنْجِيْتَنَا بِهِ  
থেকে শুরু করে পর্যন্ত পড়ে। এই স্বপ্ন দেখে আমি  
জাগ্রত হলাম এবং নৌকার আরোহীদের স্বপ্নের কথা বর্ণনা  
করলাম। আমরা সবাই মিলে ৩০০বার পর্যন্ত পড়েছি মাত্র,  
এরই মধ্যে আল্লাহ পাক (আমাদেরকে) তুফান থেকে মুক্তি  
দান করেন। (মাতালেয়ুল মুসার্রাত, ৪৭১ পৃষ্ঠা)

কামুস প্রণেতা শায়খ মাজদুদ্দীন ফিরোজাবাদী শায়খ  
হাসান বিন আলী উসওয়ানীর বরাতে বর্ণনা করেন: যে ব্যক্তি  
এই দরন্দ শরীফ (দরন্দে তুনাজিনা) যে কোন কঠিন মুহূর্তে,  
বিপদাপদে এক হাজার বার পাঠ করবে, আল্লাহ পাক তার  
বিপদাপদকে দূর করে দিবেন ও তার আশা পূর্ণ করে দিবেন।

(মাতালেয়ুল মুসার্রাত, ৪৭১ পৃষ্ঠা)

اللَّهُمَّ صَلِّ عَلَى سَيِّدِنَا مُحَمَّدٍ صَلَّةً تُنْجِّيْنَا بِهَا مِنْ  
 جَمِيعِ الْأَهْوَالِ وَالْأَفَاتِ وَتَقْضِيْنَا بِهَا جَمِيعَ الْحَاجَاتِ  
 وَتُطْهِرْنَا بِهَا مِنْ جَمِيعِ السَّيِّئَاتِ وَتَرْفَعْنَا بِهَا أَعْلَى  
 الدَّرَجَاتِ وَتُبَلِّغْنَا بِهَا أَقْصَى الْغَایَاتِ مِنْ جَمِيعِ  
 الْخَيْرَاتِ فِي الْحَيَاةِ وَبَعْدَ الْمَیَاتِ إِنَّكَ عَلَى كُلِّ شَيْءٍ قَدِيرٌ

অনুবাদ: হে আল্লাহ! হ্যরত সায়িয়দুনা মুহাম্মদ মুস্তফা  
 এর উপর এমন রহমত নাফিল করো যে,  
 তুমি এর দ্বারা আমাদেরকে সকল ভয়ভীতি ও বিপদাপদ  
 থেকে মুক্তি দাও এবং এর দ্বারা আমাদের সকল উদ্দেশ্য পূরণ  
 করো এবং এর বদৌলতে তুমি আমাদেরকে গুনাহ সমৃহ  
 থেকে পবিত্র করে দাও আর এর মাধ্যমে তুমি আমাদেরকে  
 উচ্চ মর্যাদায় উন্নীত করে দাও আর এর বরকত দ্বারা তুমি  
 আমাদের সকল নেকীর শেষ প্রান্ত পর্যন্ত পৌঁছিয়ে দাও,  
 জীবন্দশায় এবং মৃত্যুর পরে আর নিশ্চয়ই তুমি সকল বস্ত্র  
 উপর ক্ষমতাবান।

## রোগ মুক্তি

اللَّهُمَّ صَلِّ عَلَى سَيِّدِنَا مُحَمَّدٍ طِبِّ الْقُلُوبِ وَدَوِّئْهَا  
 وَعَافِيَةً الْأَبْدَانِ وَشَفَائِهَا وَنُورِ الْأَبْصَارِ وَضِيَاءَهَا  
 وَعَلَى أَهْلِهِ وَأَصْحَابِهِ وَبَارِكْ وَسَلِّمْ

ওয়ু সহকারে কোন রোগীকে লিখে দিন, যেন সে জিহ্বা  
 দ্বারা চাটে বা পানিতে নেড়ে পানি পান করিয়ে দিন। সুস্থ  
 হওয়া পর্যন্ত এই আমল অনবরত করতে থাকুন। আল্লাহ  
 পাকের হৃকুমে মৃত্যু ব্যতীত সকল রোগের ক্ষেত্রে উপকারী।

## দরুদে মাঝী এর ব্যাপারে মাছের কাহিনী

এক বুয়ুর্গ رَحْمَةُ اللَّهِ عَلَيْهِ নদীর পার্শ্বে ওয়ু করছিলেন তখন  
 একটি মাছ আসল আর ঐ মাছ এই দরুদ শরীফটি পাঠ  
 করলো, ঐ বুয়ুর্গ رَحْمَةُ اللَّهِ عَلَيْهِ মাছকে জিজ্ঞাসা করলেন: এই  
 দরুদ কোথা থেকে শিখেছো? মাছ উত্তরে বললো: একদা  
 নদীর কিনারায় এক ফিরিশতাকে এই দরুদ পাঠ করতে  
 শুনেছি এবং মুখস্থ করে নিয়েছি। ঐ দিন থেকে (এই দরুদের  
 বরকতে) সকল বিপদাপদ থেকে নিরাপদ রয়েছি।

(আমালে রয়া, ১৩৮ পৃষ্ঠা)

أَللّٰهُمَّ صَلِّ عَلٰى مُحَمَّدٍ وَعَلٰى أٰلِ مُحَمَّدٍ خَيْرِ الْخَلٰقِ  
 وَأَفْضِلِ الْبَشَرِ وَشَفِيعِ الْأُمَمِ يَوْمَ الْحَشْرِ وَالنَّشْرِ  
 وَصَلِّ عَلٰى سَيِّدِنَا مُحَمَّدٍ وَعَلٰى أٰلِ سَيِّدِنَا مُحَمَّدٍ بِعَدَدِ  
 كُلِّ مَعْلُومٍ لَكَ وَصَلِّ عَلٰى مُحَمَّدٍ وَعَلٰى أٰلِ مُحَمَّدٍ  
 وَبَارِكْ وَسَلِّمْ وَصَلِّ عَلٰى جَمِيعِ الْأَنْبِيَاءِ وَالْمُرْسَلِينَ  
 وَصَلِّ عَلٰى كُلِّ الْمَلِئَكَةِ الْمُقَرَّبِينَ وَعَلٰى عِبَادِ اللّٰهِ  
 الصَّلِحِينَ وَسَلِّمْ تَسْلِيمًا كَثِيرًا كَثِيرًا بِرَحْمَتِكَ  
 وَبِفَضْلِكَ وَبِكَرَمِكَ يَا أَكْرَمَ الْأَكْرَمِينَ بِرَحْمَتِكَ يَا  
 أَرْحَمَ الرَّاحِمِينَ يَا قَدِيمُ يَا دَائِمُ يَا حَمْ يَا قَيُومُ يَا  
 وَثُرُ يَا أَحَدُ يَا صَمَدُ يَا مَنْ لَمْ يَلِدْ وَلَمْ يُوْلَدْ وَلَمْ  
 يَكُنْ لَهُ كُفُواً أَحَدٌ بِرَحْمَتِكَ يَا أَرْحَمَ الرَّاحِمِينَ

صَلُّوا عَلٰى الْحَبِيبِ !      صَلَّى اللّٰهُ عَلٰى مُحَمَّدٍ

الحمد لله رب العالمين والصلاة والسلام على سيد المرسلين الذي ندعى في المؤمنين بالذين يحبونه ونسمى بذري الرضوان الذين ارجوا

## শাফায়াত ওয়াজিব হয়ে যাবে

প্রিয় নবী ﷺ ইরশাদ করেন:

اللَّهُمَّ صَلِّ عَلَى مُحَمَّدٍ وَأَنْزِلْهُ الْمَقْدَرَ

الْمُقْرَبِ بِعِنْدَكَ يَوْمَ الْقِيَامَةِ

“যে ব্যক্তি এভাবে দরজন শরীফ পড়ে,  
তার জন্য আমার শাফায়াত (সুপারিশ)  
ওয়াজিব হয়ে যায়।”

(আত তারবীর ওয়াত তারবীর, ২/৩২৯ , হাদীস ৩১)  
হে আল্লাহ! হ্যাতে মুহাম্মদ ﷺ এর উপর  
রহমত বর্ষণ করো আর তাঁকে কিয়ামতের দিন  
তোমার দরবারে নেইকট্যাত্ম স্থান দান করো।



### মাকতাবাতুল মদীনাৰ বিভিন্ন শাখা

হেতু অফিস : গোলপাহাড় মোড়, বি.আর. নিজাম রোড, পাচলাইশ, চট্টগ্রাম। মোবাইল: ০১৭১৪১১২৭২৬  
ফুলবানে মদীনা জামে মসজিদ, জনপথ মোড়, সায়েন্স বাস, চট্টগ্রাম। মোবাইল: ০১৯২০০৭৮১৭  
কে. এম. ভবন, বিটীয় তলা, ১১ আন্দরকিল্লা, চট্টগ্রাম। মোবাইল ও বিকাশ নং: ০১৮৪৪৪০৫১৮৯  
E-mail: bdmktabatulmadina26@gmail.com, bdtarajim@gmail.com, Web: www.dawateislami.net